

文2824612
182
27



已畦詩集卷之四

此卷西南行作

吳江葉燮

星期

夜泊錢塘江

冪煙一川陸羣動寄此中萬象競各有塔焉冥混
 濛誰謂覆載大此意如可窮顧予亦何為勞生逐
 轉蓬稔知歲不與居諸消晨風感足悵蛙步觀物
 悲狙公太息萬里行書卷棲孤篷拙哉稻梁謀豈
 能衡化工冰霜載塞塗涉江思芙蓉宇宙逝今古
 愚者泥其蹤雲山本浩蕩君無跼西東

江上曉發

曉市光初啟，迷離萬瓦煙。羣山分旭日，孤艇得遙天。
木葉年年脫，蛟龍旦旦眠。鳴榔吾語汝，此意爾能全。

釣臺

漢室分茅土，先生只此臺。自隨松子去，不逐渭濱來。
日月懸竿影，風雲護劫灰。銷沉無限夢，酹酒莫辭杯。

何必星稱客，乾坤盡主賓。高山疑翊漢，源水異逃秦。
繡嶺高仍對，寒江抱自親。伯符驚過眼，閱歷幾蕭辰。

殘照年年在，孤雲處處浮。空山聞自性，逝水不言愁。
月上荒祠冷，崖藏古戍幽。不須論將相，驕語有鳧鷗。

何地不堪釣，高臺此揭空。事難忘勝地，名亦有天功。
愧擷蘋香薦，真令畫手窮。逝波千萬折，公意不俱東。

蘭谿

夕宿蘭谿橋，旦發蘭谿郭。彼美天末遙，香蘭不可握。
逶迤沿層阿，泝泝觸崩鑿。激湍迅漁師，衝飈零渚擇。
杲日亦何心，千里隨波薄。連山走復迴，我行

猶渺邈顏戎塵荒江林煙淒遠落誰言堪畫圖愁
絕孤舟泊

常山道中

行邁已川疲僕夫趣登陸連山斷越疆分流趨岷
瀆氣已蘇沍寒樹漸凝柔綠深林遠斧斤干霄動
成族我行饑爲驅攬勝飽亦足眇沒羣飛鴻心折
千迴軸遠堞出陂陀瘦犢飲坵谷何當訂雲山就
此樵與牧

晚至玉山

灌莽隱頽城城頽見荆棘黃蒿橫交衢拱把堪作

室不辨闐與闐誰樹梓與漆鬼火儵青黃日沉骨
慘慄敗垣叢礫中彷彿有人立就問此爲何彼語
聲先塞前年閩寇亂禍首震鄰惕游釜盡其魚竭
澤到蟣蝨閭里駢屋戕逃亡鮮什一邑空無人種
安從得生息蕩平幾暑寒黃雀猶無食聞言心怍
怍中宵轉反側曉起驅車行從橫狐兔跡

宿弋陽署中贈譚左禹明府

昔予少辭壠上耕十年九染京洛塵朱門欲入不
入態下驢嘗徧冷炙辛濟寧酒樓弔太白梁王吹
臺偕放生汝寧太守建康醇蓮花淥水逢譚君面

薰顛聳鬚蝟磔灑氣歛吹桐柏春賓主二美于喁
合予也跋履成三人不續離騷二十五湘纍洩忍

何續紛軒然酒罷論時事不如歸證三摩心

在汝寧與左禹

談楞嚴

賓鴻社燕各南北君游益壯無公卿予持手

版惡風墮妻孥竊訕終無成黃蘆萬頃枯魚泣肉
味不饜蛟龍嗔竭來把茅斨麓下過谿一步如燕
秦遙聞故人出朝右曳組鳴玉鶯湖濱芒屨久不
踏朱戶為公異數憐交貧卓哉譚君文章彥吏可
為師清且仁感額嘈嘈作令苦予笑不答知之深
寵辱得喪忻感境羊腸九折身各親予伏不作求

伸蠖君騰直欲躋圖麟明朝策杖別君去君不見
釣臺東望高嶙峋

夜宿龜峰山寺

在弋陽縣南三十里

出郭沿長谿石蹠谿琮瑋松風迎復送紆迴延山
情陡地一峰拔從空妙想生重重峰柱出石門呀
天撐翠螺對寫照吹墮方池泓是時冬將謝石罅
靡繁英藥檀百折上蒼山不可親彌天渾碧中翠
微界朱蕘風旛颺金刹恍惚疑化城怪石攫飛走
圍繞羅蹠擎始知造物才抒寫自有真到門得天
地磬帶泉泠泠老僧潔茗盃山果時摘新智珠朗

巴川詩集 卷四 二弄草堂
摩尼攝我前塵心宵空寂呈賴聞返纔聞聞土埵
煨楮拙世味孰與衡浩然炯達曙振策復長征峰
峰向我笑君胡惘惘行

贈紹宗開士

生平性癖佳山水怕佳山水藏俗子侈口檀那艷
宰官山水清音翻洗耳龜峰兀突擎空霄上人瓢
笠凌雲巢曹谿一滴只知冷我願與之夕與朝昔
日西江吸一口至今不盡長波瀏媿無長物鎮山
門問取紹公轉語否

南昌晚泊

霸主雄圖盡寒風北渚生那知舟畔月攜到故山
情河影依城角江流倦夜聲飛蓬原自繞烏鵲不
須驚

擊拆聲何切霜淒韻轉哀并風催客枕伴月過荒
臺沙鴈驚羣和城烏刺獨回聊將倚舷酌酌爾閣
中才

滕王閣

帝子何年建高閣陵谷幾回廢與落只今牧馬一
畝宮昔日朱甍照城郭南浦西山猶有情朝雲暮
雨向人迎不知才子千秋恨轉逐征人一夕生

小除章江道中

殘臘無多日閒愁載一舟酒帘山缺出榔響谷廻
幽野市喧漁艇荒江轉戍樓年來生計拙只與斷
鴻謀

逝水驚霜鬢窮塗任一舟城孤天自落沙繞市能
幽激水衝蛟窟橫嵐幻蜃樓何來清磬響擬就遠
公謀

勞勞緣底事遠驚沂流舟鶻羽搏風勁漁蓑著雪
幽也曾傾客酒何處望春樓風土堪棲足因深卜
築謀

除夕

在泰和縣蜀口洲

客裏逢除夕今年更倍愁斷橋崩落照荒碣傍孤
舟魚菜農邨足茶瓜野廟稠此身隨處著始信是
浮漚

臘鼓邨邨應壺漿箇箇隨老增風物感事悔夢醒
遲燈火仍兒女閭閻自歲時隔谿來社叟故事有
陳辭

宿火香猶蕪鄰邨晚尚春星明人語遠風細市煙
重簡點驅黃犢虛無想赤松殷勤此殘漏翻怕五
更鐘

屈指飄蓬跡今宵幾客塗年華追眷戀心淚不糝
糊陳迹江湖滿生涯宇宙孤他鄉頻守歲展轉自
擲掄

洲畔征帆集雞豚卜祝同微香心冉冉酌酒語息
息萬里家占斗千重路倚風我行隨俗便拚醉卧
孤篷

逢廬山僧言棲賢瀑布之勝惜未能游漫賦
夢裏廬山踏破鞵此行定許宿心諧誰知面目真
難識錯却機緣等活埋

瀑布飛流第幾重三千丈挂玉虬龍靈源自接銀

河水定有乘槎客路逢

遠公遺蹟已千年聞道珠宮尚宛然我是潯陽三
隱伴藉公願力到峰顛

贛州

設險資形勝雄關扼百蠻倦游人欲住行役路方
艱事去江山舊時平樓櫓閒文成勲業地樽俎尚

堪攀

陽明先生

二水分方合連山斷復稠鴈疑行不得人忽去難
畱鴉陣翻孤戍蘋香帶晚舟南枝消息近預怕亂
鄉愁

度大庾嶺

千里連峰匝紆迴出萬尋險分南服界雄見越王
心鴻鴈謀何苦熊羆氣轉深高松陰夾路風過助
長吟

舊說梅花嶺今來見一枝

嶺上止有梅花一樹

折憐疎影瘦去

覺暗香隨漢使勞仍往蠻方貢不辭南程行欲盡
到海亦清時

贈南雄郡伯党仍菴

寶雞相國孫相國與先人為前乙丑同門同年

曾追天寶曲江年每讀遺書一泣然綸閣留身貽
密勿松阡藏笏冷雲泉孤蹤剩有含毫簡三日猶

聞待拂篇為政風流繼安石君家故物豈青瑣

元夕仍菴署中席上戲作

乙丑

佳節天涯又漫逢風流太守宴從容樽前忽奏吳
趨曲賀老琵琶獨擅儂

舊郡伯張君出家優演劇皆吳兒色菽俱稱冠

月高猶自滑流鶯花底秦宮黯欲驚歷亂紅燈翻

翠袖我從夢裏見盧生

演邯鄲舞燈

曼管繁絃仔細商小姑約略嫁王昌儂家舊是蘇
州住偏斷雄州刺史腸

映掩巫山十二重重繡嶺玉芙蓉相逢忽漫離
筵促冷澹生憎是曉鐘

過曲江弔張文獻公

南紀崢嶸出霜姿矯絕倫哲人留一話天子竟西
巡遺廟輝朱鳥繁香薦白蘋書生多感激撫事益
傷神

上兩廣制府吳大司馬

聖曆肇昌期其間鍾名世洪鑪鼓大和脫礦異人
至長離崇岡鳴曰茲一人媚冊府紀太常勲庸稱
乃位絳灌恥無文隨陸徒辭麗經緯用有兼戡綏
略兩濟朱鳥翬南溟文章不墜地煌煌上宰心吾
道肩勳勳

三方昔蠢動小腆逞臬風遐滋蘊塹黷蠻徼胥焚
霽毒螫半坤維瓦震靡堅墉埃塏太清濁攬搶塞
寒空維

皇赫斯怒我武揚昭弓原策耿賈力廟和蕭曹衷長

鯨暴藁街鯤鮪終釜窮重藩須使相德業惟公崇
秉樞宣揆奮宵旰紆功宗燈火極埃尉懸戢聲相
蒙不見羊叔子緩帶資折衝

摩詰輞川勝香山池上作歌詠陶性情賓從締華
萼兩賢文雅彥所嗟勲猷薄孰能平勃謨重淬曹
劉鏜古綆引頽靡雅調振元籥紹衣李杜焰餘子

徒纍若獨御正始輪盤空手自斲風流謝安石江
左焉能角

廣州門一過古稱三十萬犀玉走寰中罷毗在昏
墊矧兼五管崇誰能寶自遠公清追隱之憂民勤
一飯火齊翡翠珍不易菽粟願兩廣二百城潔已
惟身先敷腎報九重拜手如陞面

帝曰真股肱治理誠如券廉泉雖泓然伯夷奚待嚙
駑駘伏鹽車孫陽曾一顧以茲瓴甌陋被照隋珠
路拙步無娉婷貧遭官長怒放逐免投荒明聖銜
皇度垂老偃窮蹊九食猶艱遇生平已已心千載

勉勉赴幸獲御李君未敢傷遲暮

游七星巖 在肇慶

端州萬壘山全連鮮上聲松竹陂陀帶沮洳褰裳濡
獨漉連蜷怪石拔萬笏峭壁簇突如駒駘奔雄似
猊象伏巨靈奮鬼斧豁訝盤空劖青碧入層冥天
梯趾纔屬鞞鞞被紅葩精藍龕其腹雕楹一一倚
坐隱沉蒼綠千盤絕鳥道俯萬芙蓉族茲山雖未
峻勢欲彌坤軸絕頂露朱甍石罅函如匱錦石圍
繡柱寒甃灑微瀑玉女裳襪襪曼睩騰遐矚瑤房
闔朱扉乾坤收趨起羽服兩三人浮丘洪崖逐邈

已明詩集 卷四
然思物化內媿妻與肉循坂下崩峒紺宇凌霄築
八部儼人天如到靈鷲竺帝釋衣裊盛飛來過身
毒禪悅潔茶瓜椒蘭觸馥郁一徑緣修坂始入嵌
空谷真宰炫聰明鼓竒恣所欲忽疑雲夢吞乍悸
共工觸攫拏靡不爲星豈數七六中藏舍利光金
塔起阿育盤盤棧青泥玉趾踐轉縮豁然出洞口
閱世恍碁局緬思武陵源漁人未可卜遙憶青城
峰蜀道遠猶跼茲游適我願莫待梁炊熟

嶺南雜詩

峯峒摩天箭括通鄉關遮斷有無中迷嵐隔面愁

行雨浮海初心惜便風難拭蕉花紅淚滴曾聞荔
子水精融千年銅柱誇炎徼輸與書生口舌功
蠻煙瘴日滿樽前千嶂屯雲盡海邊朱雀文章堪
一慟瀧江問荅宛當年鷓鴣啼老雲帆駛貔虎宵
閒玉帳偏聞道波臣俱脫劔漢家今已罷樓船
谿邊浣女可如霜輸與湖頭五月涼楊柳柔條先
臘舞桃花紅雨隔春妝鳴鼉隊插鯨波穩立馬烽
連貝闕長蓬島沉沉雲海晚褰裳如欲賦滄浪

朱旛金刹古花宮殺伐雄圖劫火空

大佛寺爲
尚氏所造葉葉

蓮花舒客帳沉沉魚鑰度廻風只憑翡翠銷兵甲

好聽笙篔送塞鴻莫訝尉陀臺畔草五陵秋老暮
煙同

幽巖真見七星環聯棧勾梯窅窕攀珠閣有天開

色界巖頂有玉皇宮絳桃無主落人間峰峰向我如將語樹

樹邀雲故不閒一晌槃阿棲息好何妨隨地是家

山

端谿斲石近如何水旱坑疑鵠眼訛一自秦灰悲

竹帛長令幽壑閉滄波虛無賦筆金星重潦倒書

生燕石多愁絕青蓮銷歇後何人捧出與摩挲

羅浮絕漢插芙蓉聞說登臨有萬重曾訂山靈畱

片石幾回書札問輕筇風生兩腋餐難飽人到孤

峰客不從咫尺游仙應有命蹇修試與話從容

壘渚灣沙集鷺鷗木棉的的照春流珊瑚碧海難

尋種上聲縑素鮫宮亦織愁客裏茶瓜真草草夢中籬

落自悠悠梁園倘向炎洲築知是相如故倦游

誰言漢武不仙才弱水帆從清淺來南極特書雲

物遠東風更律月支回黃猊蹋蹴毬場穩舞象耕

耘蠻邸開正是乾封元狩日巖徐書疏莫蒿萊

犀珠不脛走中原自昔城闔輟跡喧味到清貧誰

不厭岑參詩此鄉多寶玉慎勿厭清貧事傳酌水半空言葛洪勾漏餘

荒竈許靖交州泥短轅若使天涯逢叔寶茫茫更有百端繁

誰將明月暗投空估客商胡也自通幽谷香蘭逢
市上高牀大貝出泥中豈無趙壹吟窮鳥莫擬成
連拂槁桐一著羊裘春已盡韶州白葛夢清風
黃簾暗牖炷孤檠歷歷捫心度點更酒醒夢回驚
萬里琴寒竈冷悟三生誰家錦字天南淚似寫砧
聲塞北情窮達百年消作客明朝且往聽初鶯

寄懷山陰呂守齋

會稽山水域內絕雲門若耶鬪詭譎天生健者與

爭雄山鬼宵號石晝裂高懷兒畜秦望峰吞納鑑
曲千百折萬卷讀破歛有神絳灌隨陸俱不屑軒
然八尺顴如罌目閃巖電骨聳鐵少時短褐困一
經我初見之驚欲跌爭看驂騑地上行終夜有聲
唾壺缺飛揚天駟躍重河幽憂杜宇盈昔血百萬
一擲眇孤注斂袖天空吹一呖等身長劔繞乾坤
地老海枯手自摑一逢知我是龍泉天涯游子酬
恩客渝歌楚舞月未斜羽扇螭弧風乍歇麗句翻
花落海南見友人扇頭霸才無主聽啼鳩重將翎剪
赴雕籠珍重故人不忍別烏啼榕樹海霞沉燒燈

迴雪歌初闕別君蹉跎二十秋夢中猶見衝冠髮
竭來隨鴈指衡陽嶺梅湘竹陰飈發尉陀臺下冠
蓋多媿我龍鍾項領拙懷人河漢隔迢迢欲往褰
裳不可越同是天涯冷落人他鄉偏歎相逢厄人
生離合那可料但嗟數莖干霜迫他日關山朗月
時來去青林肺肝熱

見侯官張超然扇頭錢塘季偉公贈五言一

首風致適然因次韻得八首憫偉公久客
不歸存沒潦倒抑鬱情見乎辭末托於游
仙亦可悲矣并示超然

要與人爭古須爲世所非物情趨見慣吾道在知
稀漸減餅中粟誰懸桁上衣乾坤無不可難奈是
調饑

千黃金一散游子詎知非蘭忌當門種桴終入海
稀寄居堪廡下結友盡鶉衣欲學陶元亮難禁九
食饑

交集茫茫裏難論是與非琴書諳客倦締綌過冬
稀足待金盤濯身賒木葉衣近來能百忍不復怕
朝饑

近有嚴陵信垂竿亦悔非側身陳迹過舉眼故人

稀莫羨臺郎被何妨鼓吏衣木蘭多墜露朝飲可
充饑

可歎華亭鶴回思入洛非懷中和辭貴握裏宋鐔
稀蒸曬烏麻飯飄蕭金縷衣共君尋大藥一救普
天饑

滿目江山是低頭風景非隨珠蠻徼賤章甫越中
稀樂志須成論升天看蛻衣營營謀一飽莫謾為
懲饑

虎視秦難說吾憐公子非種尋仙樹少曲鼓廣陵
稀碧海殘銀鴈荒丘弔玉衣何當貽我棗千歲不

愁饑

欲尋無色界天到想非非海瀉人寰冷河翻斗影
稀鶴飛縈雜珮雲起振靈衣莫種相思樹塵凡苦
渴饑

送張超然游海外

有序另刻

送君天外挂帆行怕聽陽關第四聲傳語冤禽銜
石去早將東海盡填平

飄蕭行李一肩空只握千秋賦筆雄截斷扶桑鏤
作板流傳新句到龍宮

喧喧番吹擁才人騎象吹螺白纒紋皋比百城新

氣象不妨蠻語作參軍

火浣織時絲倍買珊瑚生處網頻張祝君簾滿黃

金日直接陶朱一瓣香

把君片刻手中卮怪殺相逢是別離莫道海天南

去遠若華更有向南枝

鴈飛不到字難裁只寄天池浪裏回人世萍蓬原

不定何妨脫屣去還來

感舊懷山陰吳伯憩

華堂露洗春風碧燈長管急織蛾澤如雲珠玳醉

不辭金吾將軍劇永夕

令伯期先生子二十年前曾主其家

封胡過未盡

知名君是弘微第一人攜我越王臺上望他鄉終

不負佳辰別來南問端谿渡思君只在城東路聯

牀幕府盡江鄉朱門亦有滄洲趣感君猶憶我家

咸

亡姪元禮

廿載存亡事愴然回首幾揮岐路淚那堪重

憶醉花前

呈勞豈菴憲副

時分巡廣韶

琬琰西清重經綸幾偉人吹藜行絕徼仗節擁儒

臣披卷兵銷後栽葵露泣晨使君吟復酌泉畔有

香蘋

孔彛遺經在諸儒論異同自臨洙泗日一變魯齊

風勒岱銀鈎壯游雲禮服崇鏗鏘嗤制氏雅頌在

囊中公視學山左

西去烏龍塞崎嶇度隼旗千關危轉粟九折歎廻

車聽鼓徵賓急投戈納秭初賈生多太息道遠未

陳書公督餉黔中

朗月澄襟度青冥入藻思風流安石擅賓客孔融

知赤管平蠻布烏頭報主絲眉山遺迹近州在韶轉

益後先師

自顧江潭影風隨南翥禽地憐容足少山憶在家

深感激陶潛食殷勤范叔心多君存故劔為發祝

嵩吟適公初度

送王阮亭宮詹祭海還朝

使節天邊轉韓碑讀罷還挹泉酬主眷探袖出

民艱飄沒依依櫛裝輕箇箇山南枝畱不住高詠

過重關

瘞僻恭成事祠壇異碧雞蠻方流雅樂玉陛返桓

圭激水從天上扶桑向使西

聖朝嚴俎豆到日拜封題

才子難兄竝看花憶昔羣同年東亭為宮詹胞兄攜錢朝即過

洗盞夜常分折剝隋隄柳東亭昔年訪予淮上歸畱岱嶽雲山

陽聞笛淚送別益紛紛

猶惜家成慧師門父子情

亡姪元禮執贄宮詹

一官同露泣斷

坂已霜平癡叔勤終畝遺孤望再生雲泥稀後會

撫臆送行旌

送蔣莘田憲副督學中州

學藉醇儒正名因諫議高

莘田由臺中轉任督糧

寸心孚

主聖雙鬢紀臣勞瀾障艱吾道雷同付汝曹此行

經萬里猶著舊宮袍

五管霾煙瘴城門競一過只期天雨玉誰問地無

禾土壤何妨讓風花本自多窮檐歡一飽奈去使

君何

龍馬呈河洛圖書宅土中俗猶周禮樂文敝漢西

東律取孤生竹材收入爨桐姬公遺化地延領望

文翁

昌黎當我世窮者孟郊偏珉玉無堪擇鶉衣底自

全通波憐舊酌隻字有如椽目送行旌去羈人益

惘然

聞吳漢槎卒於京邸哭之

八千里外聞君信垂老心驚良友淪遼海秋風原

上草銷沉天寶舊才人

絕域歸來鬢已蒼又隨北鴈去茫茫

漢槎自塞外歸止半歲即北行書

生舊有明妃恨月夜魂歸總斷腸

白首高堂晨與昏倚閭望斷賦招魂流傳冷煞楓

江句難與巫陽仔細論

午日王大將軍湖舫讌集同人分限二冬韻

盛代衣裳會南溟正偃烽文章歸上將猿鶴總朝

宗觴詠佳辰選萍蓬絕徼逢靈均遺則在擊鼓起

潭龍

幕府芙蓉盛巖邦緯畫重賦成行錯落韻夏應琤

琮曼管廻清簟連檣帶繡封雲和雙拂處舊有賜

歌鐘

緹幕籠鱗甲金花耀鼓鐘萬夫齊舞擢百戲趁游

龍杯泛黃蚪沒雲明絳節逢丹丘非霧裏杳渺觀

昌容

泛蕙光風轉人間那得逢翠微舒遠障碧落俯崇

墉青吐蒲茸密紅搖勝綵重天南歸大樹冠蓋日

雍雍

綺饌波微濺金章霧裊重翠眉翻子夜絳樹擅吳

儂繡纈垂垂展雲鴉泚泚鬆他鄉何處是便欲擲

輕筇

一往詩集 卷四 十九 二

却怪青鞵步天邊綺席逢禮寬容揖客跡寄欲移
松游樂疑雲夢時和頌景鐘慙無枚叟筆授簡轉
惺忪

贈山陰呂清卿

鑑曲闌珊夜稽峰兀突秋美人雙袖拂甲第五雲

雷幕府酬空闊呂時客制府名山侈贈投何時谿畔寺重

纜故人舟呂為文安公曾孫故有甲第句

贈山陰陶慎先

雲門放櫂後海上幾看花月影長隨客鴻聲自到

家乾坤供點染陶精繪事几案逼生涯輞水圖纔罷題詩

欲自誇

三絕台州老滄洲鶴欲鳴人間真不見畫就著為

情圖僻山堪隱枯魚客共烹端州佳石在足爾寫

平生

送燕中李右庚北歸

匹馬朔風立今朝萬里行山容隨面送樹色過關

迎暖眼由知己烏頭薄盛名憑君揮腕力門外即

前程

送福清同宗世文泗元游海外

才名小謝竝難兄草滿池塘花滿城萼發連株輝

自映駒昂千里汗同行天從海底懸帆立日向枝
西傍夜生我是未歸搖落客望洋獨立黯心驚

送侯官藍公漪歸閩

柳暉才多了十人嶧山碑妙獨傳薪霞催風送鐘
兼兩寡鶴滄洲鄭奪真

七星巖不負畱題片石韓陵袖欲攜東向潮陽南
望海雲橫何處覓昌黎

贈石漣上人

覺浪禪師法嗣

山頂高高立轉寬拈來芥子足盤桓踔跳任觸諸
天鼻不礙寒時儘煞寒

六月膚焦那是熱三冬指落亦非寒曹谿一滴從
君酌冷暖還須嚼後看

支公好鶴何多癖覺範吟詩莫道酸遮莫夜來燒
却好趙州泉苦不愁寒

總饒骨俠寸心丹掌血猶存者箇看不見越王山
頂上鷓鴣啼出海漫漫

訓順德梁甫山次韻

僻間句動沈寥天隻字騷壇領後賢壓坐人如長
慶日流觴會值永和年檻前藻發江如練馬上吟
餘夢後篇欲倩南枝移向北雙魚消息託伊傳

已巳詩集 卷四
訓順德梁幹旻次韻

甫山弟

雙龍文叶斗間占燈火青熒在碧檐祇為稱詩時
卷幔不須講老亦垂簾銷沉世趣過牆蝶陶寫閒
愁隔水帘攜爾滄浪同一濯何須泉畔話貪廉

訓南海何介臣次韻

欲將浩劫訪同參一榻高人水石談騏驥空羣虛
冀北文章得氣正圖南曾攜機石河邊訪獨對方
壺象外涵我似扁舟常不繫臨行何以贈君驂

七夕高要天寧寺同休寧程正路龍游錢目

天真際開士分賦

忽忽逢佳節千迴離索心異鄉愁亦笑同客話堪
深河影重藏碧是夕雨樓空近鎖陰漢宮人已遠莫漫
說穿鍼

風俗傳靈匹年年怨綺羅蠻方仍乞巧蕭寺亦聞
歌涼嫩依人爽燈青奈爾何故園拚萬里莫更夢
中多

題山陰董克灌曳杖獨行圖

昨日見君神似畫今朝畫裏恰逢君不知珠履何
門跋只送秋空海嶽雲

豈是心頭未悄然跡同行脚慢俄延人生知己真

難得曳杖天涯獨往還

贈歸安沈山隱

弁山秀出舊知音
緩帶從戎尚越吟
手戟風流又自八
心旌搖曳直過尋
故鄉酒到吾嘗共
聯榻人歸客轉深
格格鷓鴣啼斷處
雄心無那淚霑襟

荅番禺陶苦子送別之作次韻

知君心裏有林丘
不礙城居面濁流
削橐半牀恆待旦
倚風三伏亦悲秋
故人何處雲常去

來詩并及梁藥亭

晚歲方知遠莫游
萍梗浮沉從此別
六千里外只登樓

贈山陰劉仲濟

忠正公念臺先生從孫

絕域來蘭漿
流風有幾人
酒堪偕日月

仲濟攜家醞百甕度嶺

劔欲避星辰
慷慨扶真氣
安危述老臣

談忠正公事甚悉故

山同萬里歲晚託松筠

便欲攜君往羅浮
訪葛洪山靈還笑拙
仙路竟塗窮

不果游

窮藥裏他鄉貴

余疾甚仲濟惠名餌

封書隔嶺空晨風隨袂

判縹緲兩征鴻

口號贈真際開士

結廬不必去人寰
車馬喧中自性閒
真到了無前後際
認伊斷處却如環

君向巖頭舊掩關真際有精舍在七星巖下巖前有景試拈看任
教劫火旋輪燕不上蒲團六月寒

別杜直之

一別耶谿三十春看花猶記坐中人天南重對當時月只換青鞵幾兩新

舊與梁藥亭訂交吳下藥亭訂余入粵時當
主其家及至則藥亭公車北行矣余在粵
淹留三序藥亭下第不即歸竟相左不值
作長句貽藥亭

昔年君度吳臺夏楊梅飽噉漿浮蔗性耽佳句眼

張箕吳兒小巫拜君下今年余度五嶺來荔枝甜
耳非俊才他物虛聲亦如此君真壓倒秦陀臺余
來始春杪秋去梁生不見余安語層冰飛雪君飽
嘗炎癘盲風余更飫萬里不于均苦饑半刺投人
仰首處五羊僮父半罵君如君豈悅齷齪人梁生
南歸余東返舉眼莫屬思其羣

同韓公吉大叅英山道中舟次雅集限韻時韓

之浙督糧任

青翰乘潮過百蠻三更吐月半猶環文章遇合由
萍梗勲業升沉付馬班繡錯菰紋秋已老黃殘菊

蕊露滋斑使君袍袖淋漓甚壓倒篇成孰敢攀韓詩

最先成

秋盡衰蕖冷自閒經年客耳厭潺湲白頭壓坐吾
終怯銀燭燒妝夢已刪連嶂墮雲還墮海野橋如
玦亦如環吳趨若下歡場近感起尊前涕欲潛

蹤跡差池滿闐闐此行久矣媿名山未游羅浮游當倦處

思拋屐音遇知時莫閉關月到故鄉應寄照酒闌

千古未甘閒君侯不少金魚珮為樂須乘鬢未斑

余同韓大叅行東歸至南昌慨然念廬山之

游不可失也大叅東行余遂北發畱詩以

別

夙願名山習多生結賤貧使軺違鹿豕布鞵慣松
筠待勘飛流句追尋漉酒人歸帆遙隔歲及踏兩

峰春

發南昌入彭蠡湖遙望廬山

擊榜洪都郭沿洄入滉漾域內擴歸墟濤鼓橐籥
狀誰謂瀛壺遐冥冥如在望朱霞擁天吳鬚鬢光
景向長飈截白雲萬丈寒空量翠娥偃修眉連蜷
卧其上俄頃沆瀣澄橫互赤霄障金碧晃層城蒼
紫錯嵐嶂悵矣川塗遙神先五老傍

始入廬山過萬杉寺晤可紹上人

具德禪師嗣法孫

廬山四百里今茲始陟麓登頓循洄谿詰屈豁窮
谷萬木青黃堆訝中蟠夏屋琅璫落風厓金榜赫
朝昱老禪濟上宗一指靈隱轟啜泉潔茶瓜禪悅
觸馥郁為言家蜀涪少小罹寇毒張獻賊脩羅兵刃雨
排戶剗骨肉逃生劫燼中誓禮調御足禍階實賊
由脫坑得果熟倚伏互因緣塞馬何煩逐坐山四
十年空輪閱轉軸安問夢耶醒兩非蕉與鹿長揖
謝山僧我居從公卜

從萬杉寺循麓迤邐而東過開先寺始見瀑

布注為龍潭入山第一大觀也

崖傾松風奔石黝苔花溼迎我一片雲瞻前已後
失珠宮束叢巒交倚競鍛植萬株千尺松陽烏畏
其逼陰森雨忽飛出林仍杲日震霆雲木間舉首
驚電疾閃爍九日落界空無階級疑投玉女壺將
無天漢溢噌吰萬石鐘笙竽聲并一一一旋溼雲
大珠小珠逸忽折墮陰崖澎湃漱巨屋蛟龍鬼神
來視聽爪髮慄何來鄉里兒大書石上刻陳陳汗
巖竇山靈遭辱墨媿無酬名山唯有長太息

開先寺住持顯菴上人

雪嶠大師嗣法孫

畱余止宿余

沽酒獨酌與顯菴談至夜分漫拈以贈

曾夢廬山隔漢峰此游觀面任從容君家瀑布三

千丈挂在藤牀八尺筇

昔年曾見雪公來余童時曾隨先大人至徑山便踏凌霄峰下苔雪公

構精舍在峰下一片孤雲親駐足萬山拜舞法王臺雪公室中掛孤雲駐

此中萬山拜其下聯

從來散聖別禪宗巨擘唯推此一公指雪師我到廬山

無別識原來兩世有家風

棲賢寺

勝擅廬山最凌虛面面峰石爭谿自岸雲錯嶂添

重日月松同劫陰陽嶺割封神仙應有骨虛逐草

鞦韆

竹影青霄辨雲根碧檻逢花分諸界雨泉送出山

鐘宇宙容吾放丸泥舉世封峰巔消息近轉欲力

孤筇

由棲賢澗北上嶺見五老峰下瀑布

聞根色界倏然驚鷗水鵬雲總不成匹練銀河非

雋物峰頭瀑布莫安名

宿藜頭箭祇樹園藜頭箭以山石形似得名

十里松盤蜿亶行攀援步步奏緹笙萬竿竹作千

迴徑未許幽人便送迎

山風慘慄骨毛寒煖屋煨爐話夜闌只有上人心

似水由他冰斷不辛酸

騰騰熱粥勝壺漿菜甲瓜藿美未嘗老衲家珍誇

現在和盤托出莫商量

睡來三脚趙州牀天漏沉沉夜未央四面空山真

籟萬聞雞應怪惡聲長

朱砂峰朱砂菴

曾擬羅浮訪葛洪朱砂峰下有同風黃金縱就如
山樣提向菴中一擲空

登五老峰自一峰二峰登中峰最高處

長江萬里岷蜀來彭蠡派匯天南回巨川交叉東
宇宙廬山握紐真雄哉左攬江流蜿蜒如鞶帶右
銜湖影濼激如螺杯攬帶銜杯昂鉅首俯視古今
王侯將相無異蜉蝣與塵埃昔年我登日觀峰秦
皇漢武如夢中往者又登天子鄣軒轅鍊丹無乃
妄又曾一登太室巔北邙漠漠迷林泉無如此老
蟠踞襟帶互天下我今直上睥睨日欲無全天初
登一峰峰猶邇十步九折舉堪趾二峰初登峰削
成老猿却步狙公驚中峰纔上見全楚九點齊煙

何處所謝朓驚人不足誇靈均欲問將無語君不見
 見千牙萬戟蹲舞跪立羣少年擁衛老人支頤兀
 坐歷瞬黃農虞夏忽沒焉入海空聞不死藥山頭
 息長縣縣雲衣千族絢異彩流泉百道華池在
 烏兔長供無盡燈舉頭把辭蒼蒼宰廬山面目是
 耶非百轉千回非所思縱饒筆底廬山句不是當
 前面目詩

山半有
老人峰

廬山絕頂為漢陽峰五老僅及其腰領而游
 屐罕有問者余登五老距漢陽尚五十里
 疲於登陟亦於是止焉遙望作此

漢陽孤撐承帝座兒畜五老俾作佐從來峻出絕
 其羣紛紛汝曹那能顧西江競說廬山好登山人
 只說五老五老連縣自擅尊漢陽宵然愛其寶君
 不見廣武終成豎子名嗣宗一慟非無情

遙望漢陽巔側竹木蒼然四五處詢之同游
 僧云此中皆靜室也向皆有僧居之以高
 寒極三伏擁爐且艱於食率一石不能致
 五斗以四歸山以
六歸負者僧不能居各散去今皆空舍
 矣余不勝為之神往

絕人之處何人居釋提尸棄司其廬人跡不到饑

寒到道人戰負盍去諸空舍累累晨星在翠竹蒼
松如有待寂寂大千世界中羸劉顛蹶毋混乃吁
嗟乎安得草堂置此前願偕子房辟穀無炊煙

自五老峰循嶺傍澗行經萬松亭青蓮谷寺
盡九雲峰抵九雲菴飯

偈仄轉巉岡載指蒙茸路松陰十里餘一一虯螭
傳進步數聲入仰觀却步旋回顧迅漩百級中葉底
略衍渡鈴鐸帶風湍鐵鳳銜微露應接誠已疲此
故彼新赴一峰石似雲一峰雲作聖態變盡九峰
峰九四面互古木紀漢秦糾紛相撐拄詰屈谿建

瓊危石櫻其怒噴逐墮澄潭綠漪霍靡布源長瀑
逶匯瀨激洪益遽裳褰更足濡徒侶鷗笑鷺精藍
傍去聲一曲崩塊野馬驚荆扉綴懸磴猿鶴攜羣度
嘗笑勞人勞為嬰世網誤登臨疲衰筋將無逸者
忤

由九雲菴復循澗前進度嶺陟高峰觀三壘
泉廬山瀑布在在皆是此為第一奇絕

流駛無停鳴峰回忽距趾澗已轉山椒吾行斯窮
矣奮袂踵狃狙手攀足無履黝靄一線天竹影聞
基此相傳為竹影寺故址不可攷猶大書刻石上百盤陡削間殷雷忽震耳又

如乳贖吼得無風穴啓劃觀三壘泉南冥翻其委
一壘三千尺壘匪僅三已素蜺揭孽擎天崩泣神
鬼鮫人瀉淚珠萬斛傾筐篚何物忽垂天吾疑非
是水造物肆巧力斐然出事理藉令摩詰圖腐毫
亦徒爾

復轉朱砂峰過含鄱口得芥廬贈無葉上人

覺浪禪師嗣法孫

居士姓葉賓中主上人無葉主中賓此夜芥廬賓
主見那知門外有閒人

大林寺為遠公初結茅處

絕世高蹤在居然第一峰暗芳蒼藟發深影水精
重疏就頻迦轉遠公於此註
彌陀疏鈔人歸谿虎從敢邀千載契
白社許從容

大林寺心辭上人木陳禪師
嗣法孫以山居詩相示次

韻以贈

千盤烏道叩禪關世外幽蹤覓往還展卷有山山
似畫請公參出兩重山上人示我
廬山圖卷

一重茅把一重關為送閒雲久立還日月乾坤過
一瞬不須重說遠公山

楮拙煨時早掩關三更啓戶虎初還衲僧慣見尋

常事不肯驕人說住山
萬斛松濤貯滿關朝來曾訊嶺猿還東林猶是當年寺可拉淵明共住山

騁上人與余談詠竟夕上人以詩送別即次韻荅

人到諸天遇游真特地來江流催客去山影送帆
回一飯空王驛多情出世才莫辜三徑約已囑草

堂梅

鮮公有訪余草堂之約

大天池

絕壑孤雲合禪扉水檻開碧澄端妙靜寂照本無

媒不必蛟龍會悠然麋鹿來南溟猶水擊偏向九天回

佛手巖

一自拈花後何來舒紫磨大千曾記翦一指闔滄波候已中霄變寒從絕壑多巖內寒甚不可久駐老僧迎送簡磐石共婆娑

出廬山

閱盡蒼黃一萬重空囊無計貯山容廬山若箇曾親到歸去驕他擁萬鍾

余於吳城買舟往廬山歸裝寄逆旅旬日而

返去之夕館人不戒於火裝委於燼過半
旁人頗歸咎山游若有司之者當不至是
余乃作詩以自解

開闢有廬山游者當不一游山非知山相見不相
識人生知己難山亦知己急余曾有廬山山靈知
其實山靈愛我游我亦知其必兩知相視間所得
雙莫逆余囊無長物嶺梅知消息花神權其衡請
易均得失祝融奮然興急將公案畢廬山發大笑
君無更唧唧

贈友

延秋門上夜啼烏問是何人泣路隅月浸鴈池餘
蔓草舊游賦有馬卿無
尺縑綸墨爛天章寶玦珊瑚舊笏牀珍重湖濱茅
屋下小孤暗雨護龍藏

贈新建萬右藩

為大司馬萬吉人先生孫司馬與余先人乙丑同年

一舸乘月泊吳城竹屋燈明窻窻聲淚盡書生寒
過骨舊家落節渴金莖

猶聞司馬守孤城風裂旌旗袖鐵鳴萬丈白虹驚
貫日章江夜有撼潮聲

舊事看花追帝京彈冠先世和吹笙那知彭蠡湖

濱夕話盡西臺灑淚情

江行阻風

臘盡春來交客愁無端日日伴浮鷗馮夷似惜隨
流去故遣寒飈攬別舟

彭澤縣

先生薄五斗識破萬鍾心山色孤標在江流一往
深樂饑驅亦去獨醒醉方任城郭依然是高風不
可尋

小孤山

一柱孤擎似不周削成積翠玉臺浮狂瀾終古流

東下何事勞君力挽留

阻風江上值王吳廬宮詹維舟相次晤談竟

日

楚風不競何人始公安竟陵作俑耳大雅淪為噍
殺鳴脛走翼飛徧遐邇國初鉅子知撥正方追
正始徒糠粃近來作者侈口談錢劉陸范拾餘滓
屈騷宋賦公家師後有作者非公誰力排僭閏竊
貌似要剖真偽澄妍媸公今入對明光殿右文異
數承清讌從容奏雅別紫朱殿上傳呼數稱善君
不見洪濤怒鼓漁陽慘繫舟片語非詹詹

阻風兩旬僅行三百里自東流縣舍舟登陸
行山中

臘到催殘客翻憎逝水遲隴雲縈倦翮澗草妥低
枝物候隨程換星霜捫骨知前林風吹晚路轉不
愁岐

落日懸巖疾江聲隔坂高山容舒寂性人語自而
曹萬象荒荒老孤筇得得豪旅愁何以遣數問近

邨醪

青陽道中望九華山距山趾僅四十里懲廬
山之游僕夫有戒心焉遂不果登悵然有

作

萬山叢裏一峰尊帝座憑虛咄咄捫覲面知音翻
却步此中合向蹇脩論

沉沉雲海起山阿每飯難忘在薜蘿說與廬峰真
面目恐他邢尹兩低蛾

敬亭山

謝朓風流真好事青蓮詩句轉多情才人零落名
山老莫怪啼鵲夜夜聲

夜發茗谿

客心如水水如愁容易歸帆趁疾流心訝推篷吳

語是故山月已挂船頭

已畦詩集卷之五

吳江葉燮 星期

丙寅重陽前一日諸同人枉集草堂用昌黎
醉贈張祕書韻同賦

我本灌園叟蠖伏無令聞誦詩惡祖德筮仕負吾
君把茅南山麓沒齒焉用文詎敢希華陽庶幾多
白雲何來好我彥姓字秋蘭芬千里風雨懷山川
爾室羣翬然振綦履不隔吳越分素心樂與偕高
人亦成軍酌酒不在酒而不妨微醺乾坤金銀氣
不向此氤氳嗤彼雷同子蛙鳴只一云相視忘言

處巖花落紛紛世趣咻澹泊道味無羶葷粉白黛
綠流方且笑青裙物論亦焉齊鷗鵬詘蟪蚊請君
循已省勿恃香爲薰未知明日事誰先宿草墳努
力終歲計胼胝事耕耘藉諸琬琰章聊當鏞銘勳
一丘一壑寬朝晡以夕曛

足音振寒空羣籟并一聞呼童訊剝啄從天下諸
君諸君獨立士揚馬繼有文崑兀名字峻敷華十
種雲鷺憐鵠羽白芷念江蘿芬或門通孔李亦交
在紀羣古今才一石各擅非瓜分百萬層愈上屈
賈回其軍靡靡理聽飽醇醇道腴醺何當德輝下

圭竇光氤氳山水和去聲絲竹清音互爲云明日是

登高舄履躋繽紛豈少艷歌舞無乃俗羶葷奇石
慨名士晚香歎紅裙古今縱點染營營河內蚊今
與諸公約幸交護其薰束髮仰屋梁點鬼埋秋墳
筆塚纍牀頭石田苦耕耘巧拙固異宜出處各策
勲名言渥求夕晨鐘動朝曛

九日顧迂客雷阮徒集同人登楞伽山泛舟
石湖用昌黎人日城南登高韻

茫茫此百端造化日夕弄值此秋空澄一色碧涵
凍始知宇宙寬供我忘憂用九日亦何心景與人

俱從邈然懷古徒千載悲秋共登臨極歡娛相與
將歸送絲竹佐清音縷縷出菰葑無邊瀉淼波逝
將一葦縱即物得優游緣心辟倥偬良時會可珍
尺璧奚足重

古音久已希誰能爲雅弄高才奏陽春大地暄無
凍柔毫三寸羸能驅萬象用淵雲妙文章河洛佳
朋從登高或不登宜獨亦宜共始知乾坤隘吳楚
一睫送妙香帶湖光好歌出蘆葑斜月逝川催斷
嶂飛鳥縱無端觸緒來應接翻倥偬更惜分襟期
曉露秋花重

答魏文讓州來雲臯景書

繫昔忠節公擊奸著大烈散爲雲錦章啓佑鍾文
傑諸孫珍羽毛高樹千丈臯五字蔚長城萬言嘔
碧血塵多疑無甑躄立恥金穴帥此識字軍海內
靡成列蘊藉大雅宗交讓吾心折奮髯者州來八
代俱不屑雲臯與景書爭欲唾丘垤各矜九畹芳
不畏鳴鷓鴣我有酒一杯謂可酌其潔布帆百里
駛相視兩怡悅時惟歲之秋晚菘供一餐斐然贈
我言出口百鍊鐵近慨交道衰輸心心轉結幸邀
高世義信友源忠節別君卧草堂默默景前哲

荅周漢紹明揚明星

少游桐涇里屈指四十年清忠轟巍坊每過欲問
天紹衣在繼世嶷嶷諸孫賢嗟予生也晚獲交紀
羣間雍如被和風穆若面層巖榎楠杞梓材競為
國器先雖雖式門內祖德琬琰鐫要以直行古所
師貧逾堅在昔封胡輩祇誇奕葉蟬豈如通德門
七業輝聯翩幸我把茅堂相去十里懸望衡聲相
聞炊煙各蒼然過從未云勞匡坐各勉旃還期久
要懷慎此在山泉

荅魏青城并令似孝儀

狎主騷壇正始音風流汝穎頌朋簪長江歷寫波

瀾閣

青老筮仕成
都歷官江楚

北府前籌鎖鑰深

青老曾
任樞部

門內文章仍

授硯天涯涕淚灑同心

青老急友於忠節公
同事諸後人尤厚

山齋丘壑真

堪老不忘端居梁父吟

荅林西仲

著作窮愁寄此生風波悟得死生情

西仲在閩
瀕死者數

也知

李廣功名薄不為虞翻骨相清繡嶺斜陽傷立馬

斷橋斗酒悵聞鶯明朝解纜遙天際別館瓊花好

聽箏

西仲別去
往揚州

荅吳羽三

江鄉舊雨不堪論似爾靈光歎獨存通德經傳書
帶草幽棲客過浣花邨檝頭朝擷蓴絲脆石鼎宵
吟芋火溫斯世虎賁長寂莫典型轉憶爾諸昆謂扶

九振六諸公

荅曹叔則

高懷歷落鎮長捫長掩雞鳴暮雨門野史亭中探
月竈石交海內見天根閒評舊夢吾先淚纔話滄
江爾便尊冷澹帶存堂上月叔則堂名獨醒杯酒幾經溫

荅吳孟舉

更長燭明夜冥冥吳生不來坐客醒烏啼花翻吳

生至滿堂詞客心俱醉問君何事獨暮來為買閭
門笑靨開好詩首首雙鬟誦更寫秋山一簇回

荅朱望子

山塘七里草如茵白髮銷沉幾許春譜得開元遺
事在崇亭猶說舊才人

猶是當時折角巾風流還認永和人而今流水依
然在洞口桃花又幾春

荅陳穎長

端居匡坐只垂簾不媿人稱真孝廉里巷舊多名
士傳穎長居同里江城先哲多出里中交游祇在讀書籤花零庭砌傷

琴韻傷令弟霜赤雪滿滹沱憶帽檐癸卯予同尊公西美與山子甫草四人同策蹇北行欲倩桂叢畱汝住待看青嶂上霜蟾

荅包自根

憶昨草堂梅蕊發遲君花下一年餘人因易別憐

尊酒顏每增衰惜歲華莫負同時勤作賦興懷遺

澤感無家尊公驚幾四十年前弃家為僧與先人同住山中舊游存歿均搖落煙

樹江城噪暮鴉

荅周漢荀

我家分湖傍湖濱與君五世為通門忠毅剖肝殿

流血首擊逆閹褫其魂魏闈初名進忠以忠毅公疏叅憤極改名先人幼締管

華席道義相切靡晨昏荀陳過從童白首而祖而

父古道存文孫豹蔚辭壇霸握裏驪珠真無價長

稍文戰矜無前氣壓終賈使之下草堂蓬塞為君

開存歿悠悠盡一杯看君徐步朝元上我老猶能

見子來

荅郭臯旭

吾交郭君四十載郭君日日愁無乃家儻吳臺半

畝宮寒哉伯鸞無伯通出門一步多岐路但遇知

音莫回顧君苗筆硯不須焚讀書飲酒如常度君

不見平原死公等碌碌君歸只買絲一束

已田言集 卷五
李草堂
答嚴修人

又見嚴夫子遙遙先後師弁峰高直上碧浪冷應
知宦拙緣情澹文雄抗命奇西風傳問訊籬菊正
差池

高卧人寰裏風塵不上顏長吟坡老句畱語右軍
山花月疑無主松筠喜得班五言丸脫手琴酒未
蕭閒

答嚴武伯

太保王家法文靖公如公早得師龍泉隨舌在碁局自
心知楚佩由來潔雄門有問奇高山景祖德鳴躍

本天池

令祖天
池先生

鐵石迴旋骨星霜輾轉顏那能離俗物隨處看青
山遇酒聊同調逢荆即便班幾回髯忽奮意似未
甘閒

答項東井

我旅禾中寺相望君家衡君擁千卷書不復羨百
城君家有山不住山山在一幅素壁之層巒有時
興酣暝目卧游境九嶷煙樹佛佛出指端淋漓詩
亦就氣蹋雲巖裂石瘦鄭虔三絕寡鶴呼滿城風
雨緣何驟詩不療饑山不可樵水不可漁問君終

日含毫拂素意何如

荅金亦陶

短檠蠹簡費平章長謝周妻未悼亡亦陶鰥居三十年天為

此公奇絕偶人言吾子狷如狂風流越布衣恆素

露泣江籬水盡香獨立畫成君自照寒風響荅滿

茅堂亦陶畫空山獨立圖相贈

荅張超然

粵南薊北夢回空百里衡樓山色同超然寓居虞山隨世交

游懷桂樹思鄉歲月計蘭叢超然離闕已十餘年文章轉逐孤

蓬老生事難令長揖工那得有田盈二頃畱君長

住古吳東

荅潘雙南

笠澤湖傍擁鼻吟囊琴匣劍遠登臨雙南移居京口翛然氣

吸金焦上獨往情鍾淮海深時游淮上何處關心眉欲動

不妨投足舌誰禁莫愁旅食淹畱地肝膽平原仔

細尋

荅陶季深并令子文虎

名老江淮四十年平生蕭瑟賦心傳何方著汝攜

窮去常自教兒識字偏結契有魚池上句季深兼旬畱余草堂

有池上吟校讎無蠹匱中篇季深曾訂正曹秋嶽先生續獻徵錄兼旬土埭羞懸

榻深慰山靈琬琰鐫

詞華芍藥賦先聞是父人咸是子云年少最憐長

路別文虎有入都之行愁多賴有故人分短檠葉落聽孤館

長劒裝寒過斷雲詩句近傳經百鍊驚人健筆不

須焚

荅曹民表

鐵洲先生沒大雅慨淪胥經過西州門曾歔輒廻

車歐公有叔弼善繼讀父書家藏數萬卷籤識珍

璠璣青箱一一啓鍵戶供三餘逝將遺韻振相見

正始初客散孟嘗後握手恆謂予聞言心怦怦此

情永居諸許公大手筆繼世君勿疎

荅俞大文

價重無雙滿日邊錦袍猶著上方還閣中授簡分

三管僻裏遺經正幾篇大文修闕里志車果擲殘喧獨僻馬

蹄踏徧識遺鞭通門舊接趨庭鯉相望柴桑共黯

然尊公君升與予同出史子修先生門君升時亦居里

荅吳謙六

燕子烏衣壘舊窠尚書里巷又鳴珂謙六先世兩尚書高文

舊價三都重峻望初家八俊多湖影當軒銅雀潤

秋痕啓幔洞庭波上林枝好棲君穩書寄蘆中一

放歌

荅沈客子

煙蘿十載枕荒阿，別好惟君肯數過。
傲世彌衡懷刺少，驚人謝朓落丸多。
同心夜月寒能見，別調秋香晚對哦。
慷慨去尋燕趙士，寄書早報渡黃河。
客

時適北行

荅曹希文

翩翩鳳羽羨河東，鏤刻羣推賦手雄。
希文有賦格選攜客幔亭鶯，
曉睨攤書集几月，玲瓏尋君翠坂霞。
千樹念我丹丘藥，一叢不淺扁舟臨。
別意隨君兩岸逐，霜

佩

荅鄭賈生

窮君百事不窮才，切莫臨歧搔首猜。
倘許封侯休易老，正如流涕亦無媒。
借用長沙語不因落月添離恨，每覩繁花莽自哀。
遙想海風蕭瑟起，夜闌獨上妙高臺。
賈生館於京口

荅孫嘯夫

梁鴻長寄伯通家，旅食年年對落花。
贏得人傳詩在口，窮愁有骨作生涯。

宿海鹽曹希文廉讓堂次項東井韻

泠泠小有筑琴音咫尺花源許客尋千界獨籠滄
海狹一枝自倚碧城深高梧澹泊辭秋意翠竹虛
無脫節心爲感玄暉零落後待攜君手訪長林
僻灑煙雲硯落花擬將屈宋壓官衙吟肩不怕凌
霜雪笑口休逢冷齒牙酒熟螯肥同一候蜂鬚蝶
粉各知家尋常巷口看梁燕奇意無煩更挹霞
最宜夜月與朝暉人自清幽境自微蕉葉卷多堪
訊友菊英餐後不栽薇含情不向行藏異獨往無
妨巧拙譏聞道成輿陳迹在可能羽化脫鶉衣

題沈客子紫茜邨莊圖

二十年前憩此中曾將雌霓訊而翁於今生死傷
心處說與堂前半槁桐等入藕菴
郎君聲價滿京華尺幅攜歸萬樹花摩詰後身圖
裏見岡前月色識君家

丁卯春日郭華野中丞京邸惠牋遠訊荒畦

荅謝

卧拙衡門下空谷雙鯉絕天邊有故人厚祿情還
熱故人曾肩隨花冑青絲繼曳組到吳宮美政巍
市碣八載冬日煦飲食祝敢歇高名震九閭鋒車
迅列缺峩峩柱後冠鸚羽秋雯揭丹衷契

一人申帳眷方切手提經與綸骨凜霜如雪嗟此
菰蘆人尺蠖伏何劣不謂聽鑰勤念及無褐客銀
鈎青瑣來展讀肺肝迫巖花舞檐前寸心待誰說
耿耿知己遐書此心益結

送座主京江先生晉大司寇還朝

幾命宣殊眷容臺晉法筵月卿輝自朗壽域道偕
全 聖代刑方措尼山席獨專雲霄舟楫意豈為

羨登仙

禮樂三千地持平約法章好生天自德致 主律
為祥八柱承肩鉅三台望首當密焚晨奏橐聽鑰

赴明光

襪被朝天去咸知如水心 聖情殷作醴臣意敢
投簪十道青門使單車五夜襟沐休容膝地解慍
和鳴琴

帝念東南切敷陳拜手明片辭春薄海一盼起疲
岷麻制看旋下鋒車已早迎菰蘆翹望處白髮老
門生

送張實存世執入都候補

世載師門舊頻捫風雨心清尊銷按劔流水在鳴
琴絳蠟銷吟燭青綾看賜衾驪歌門外發北望曉

雲深

屈指追游地風花數逝波賦心梁苑在弔古錦帆
多須作平原繡曾和白石歌此行雲路判倘憶北
山阿

和張韋存世執鮒魚之作次韻

尚食方陳 天饌殊江珍別產出吳都衝風鑰啓
連錢馬擊榜關傳銜尾艦椒殿常餘畱玉盃昭陽
賜出徧金鋪大官菲食聊為爾不向聯輿問姓虞

淮陰弔古

漫說淮陰三傑功空餘祠下水融融嚴陵終古垂

綸客不道人間有崩通

贈通州戴士友

桃梗欣逢海上槎淮陰城下釣竿斜傾尊應笑王
孫飯孤客如歸劇孟家蕭寺鼓鐘埋劒氣故人書
札話年華適寄訊
范汝受莫愁肝膽平原香共向河干眺晚

霞

上同年孫屺瞻少司空時任總河

宵旰東南切司空揆宅專績匡神禹缺事補女媧
偏憂國頻焚橐持籌為奠川經綸宣密勿丙夜紫
鸞傳

築舍盈廷是天開

聖主聰宣房虛議塞淇竹謾施功獨握桑田券能令
海若窮試看持節處零露夕陽中

回首西清月龍池窈窕秋講帷思顧問赤管拜咨
諏青草連湖盡黃雲帶海浮時平臣自瘁祇爲
主分憂

禮樂三千總文章百代該全舒平地手一見濟川
才相業烏頭卜歌鐘紫禁來獨肩吾道重隻字挾

陽回

苦憶江波惡衝風六月寒雲霄垂手切塵土濯纓

難霧塞鴻驚羽蘆黃月剩灘生平知己淚不向朔
風乾

灰冷難爲撥巖棲敢數

上聲

層猿鳴聽自慣鳩墮意

何憑復接衝星劍終憐困凍蠅還從幽壑底延脰
赫曦昇

平湖孫嘯夫二百里來赴先人窀穸感而有

作

十載沉淪等窖冰通門誰復慰平陵西臺舊淚埋
幽壤故里冬青傍廢塋淺土幾年長夜雨荒邨何
處隔湖鐙多君執紼還徒步高處傷心莫謾登

詩律頻驚愈唱高去天三尺俯兒曹止攜袖卷酬
山鬼偏向風波刺水篙漂泊把茅今夜月虛無飲
溼隔邨桃方知一鋪劉伶便何待耿耿視二豪

西華地多桃

題十鶴圖

孤桐撫罷山皆響圓吭鳴時水咽流解道風流還
好事輸他襍被一肩頭

趙清獻攜琴載鶴

五更孤唳問平安月地雲階警露寒自有佳兒誇

長物等閒過末謝庭蘭

林和靖子鶴

離離百尺攫虬龍擎出明星第幾峰情種千年應

不化雙雙舉案大夫松

鶴巢松樹

洞庭淼淼見危樓樓上何人傲白鷗鐵笛聲中冷

眼看世間多少上揚州

黃鶴樓

換角移商動地哀此心通處豈須媒鍾期死後知

音絕特地含情舞一回

師曠援琴

暮招晨放草堂開多事山人日幾回放去招來忙

底事此中間處請君猜

張山人招鶴放鶴

沉沉月浸一舟輕振翅橫流唳轉清鶴夢東坡坡

夢鶴鶴醒坡起底分明

赤壁橫江

人寰一別去游仙多恨須昇離恨天誰道別來重

識面葛藤添箇鶴因緣子晉緱嶺

道人籠鶴緣何事一旦開籠意森然十二碧城棲

宿徧也應回首夜窗前支公放鶴

瞳瞳日影上觚稜嫩蕊宮莎宛宛承不少茂陵多

病客看他毛羽占先登鶴禁春曉

和陶季深錫山秦氏歌伎作次韻

寶瑟頻移鴈柱絃是耶非處總翩翩朦朧帳裏芙

蓉主一夜銷沉五百年

不須拍轉已迴腸消受生前此一觴若使琴心容

易見廣陵散是鳳求凰

蛾飛歷亂穀參差只恨迴波一晌時玉蕊交枝連

夜發新銜管領是花司

中秋後三日同人集孟舉橙齋次東坡松江

風字韻

貞下逢元老未窮余丁卯生又值丁卯片雲閒傍美人虹孤帆

偶載隨槎月畫閣方吹轉蕙風竹肉驚心憑夢斷

松筠索主問誰同年來綺語剗除盡不向簾垂賦

比紅時屏後度曲

岐路堪由莫歎窮雲通徑斷倚梁虹蟾升搖颺天

邊桂坐中候榜者三人蓬轉遲回木末風碧海離愁芳草歇

玉山曠代俊人同情伊銅雀檐頭瓦謂叔則墨瀋翻花
亂落紅

路近錢江吳地窮連蜷遙挂杖頭虹坐驚年少頻
追昔行畏波深欲借風霜鴈數聲聽始到霓裳三
變按能同沈存中畫
壁伎樂事百壺倒瀉秦郵甕不羨胡姬琥

珀紅

謝曹叔則毳氍縑素之贈壘前韻

回首交游道久窮高雲千丈壓長虹奇溫定勝裝
綿日宿飽長銜置橐風籬下疎花猶似昨梁間落
月有誰同老妻稚子驚相問語向龕前佛火紅

中秋後同人集用亶尚友堂憶五年前秋嶽
先生有此集限微字韻興懷愴然仍限前
韻

中郎沒後典型微風雅淪胥正始稀詞客旗亭猶
昔是采山花塢愴今非秋嶽先生
園亭名隔谿蟬寂知秋半

倚閣鴻來悵月違時已
下澣念到丘山零落處停杯輟翰
一獻歛

風雨從吾欵舊扉也知荃杜采應稀敦槃衰鬢驚
難再花月歡場漸欲微晚藥侵階秋得氣倦螢入
戶冷無依緣隄衰柳吾憐汝約略年華兩竝非

徹雲開士

三十年前舊徹公酒懷肉興更從容知公參透燒
豬意一味長畱佛印宗

次韻荅徐鹿公

負債關心莫過詩吟還風雨斷腸時囊畱折戟犁
黃菊帳葺遺疏弔墨池不分有靈銀作管敢希無
當玉爲卮知公糠竅應嘗徧不道于今更養頤
怕聽人言匡說詩劫灰飛後幾何時雲生阿閣疑
無鳥露冷昆明尚有池竹影蕭蕭常憶屋酒瓢滴
滴不須卮相逢付與三生石藜杖過從便解頤

次韻荅王禹慶

有文在手張叵羅吾師乎爾言非汙壇墀握幟五
十載卑軒冕亦驕漁蓑坐擁臯比等旄鉞生徒肅
穆君婆娑鉛鏐鐵錫投大冶織莖倏拔成巨柯丈
室八萬四千座維摩差可絜其窩妙心濯濯月在
柳逸致瀏瀏風微波名士朱顏已白首食飽繞室
將腹摩興發扁舟過二弃髯霜瞳碧顏偏酡笑指
拳山擬太華莫嫌尺水非洪河慣聽山鬼嘯白日
久謝鼓歌排天魔一丘一壑知我久如君亦勿歎
蹉跎兀然索飲沉一醉傍人竊笑真差訛

丁卯除夕

只此無多夕猶然滿眼塵夢依孤館老天許萬家
春風物隨兒女年華看去聲衆人別他三百六細細
數上聲長貧

六十還過二堪驕白首成輸人仍令節與世謝多
情握管終難別盟鷗過此生我思何處著轉欲笑
張平

戊辰元旦

已識世情堪失馬不妨吾道在維牛賴肩終遜樵
頭擔胼手猶賒屋脚疇難繫朱繩真欲放脫韉春

夢不煩收相逢籬下湖濱慣歸去招他一指頭
上元後十八夜集草堂同人分詠

見月

同曾青藜文賓日周明星

纔過三五又增三出匣菱花取次函缺過一分輝
漸冷光輸全髣髴猶舍金吾放後人應倦蕙帳垂
時夢未甘莫笑山齋燈火寂久無剩語到傳柑

山頭殘雪

同郭阜旭鄭賈生韓聞山

峰頭霽雪帶朝曛昨夜模糊曉漸分翠袖依稀呈
素質玉顏零落倚青裙微微雲影相宜澹點點霜
花暫作羣怪底剡谿纔轉棹西山新爽已氤氳

九龍山頂吳王夫差藏兵處

同王勤中嚴武伯

山頭廢壘霸圖傾指點興亡笑戰爭已見鴟夸埋

伍相謾勞猿鶴作長城

借用一軍
化猿鶴事

烏啼智井軍沉氣

月冷霜林夜有聲却笑君王渾失計五湖人去不
煩兵

酌畫眉泉

同王禹慶周漢紹

故宮遺蹟亂山中俯挹清泉注不窮獺隨螺痕人
面杳輕鉤淡抹水心空遙青借月雙雙見曼睩橫
波曲曲工識得眼前非相在不須空有問龐公

望洞庭兩峰

同周明星

翠微天畔插晴空兩兩遙嵐鎖紫宮那得主人堪
對買好令賦手並爭雄霏霏雲起天教合寂寂螺
分月在中便欲與君乘浪去幾回收拾舊詩筒

聽靈巖鐘聲

同張超然潘雙南安九照

吳王宮作空王寺歷歷鐘聲萬壑中入夜每和鳴
澗雨凌寒常帶度谿風銷沉不去蛾眉恨喚起當
前紙帳空只有斜陽聽得慣千回任汝逐西東

二取亭

同周漢紹明揚明星史蒼山

主人與世澹相忘濫取偏於風月場濯濯愛伊穿
檻影微微倩汝沉蘭香多生積累拚消受一夕櫻

拏爲底忙盈屋滿庭渾不定若教收貯費商量

谿邊殘雪

同金亦陶趙書年

一夜寒谿凍色勻忽聞滴瀝已通津乍驚玉質隨
萍梗猶抱冰心問水濱斷粉臨流難寫照遺鈿委
地屬何人橋邊早有騎驢客淺印霜蹄去覓春

賦得柳色黃金嫩

同陳起雷鄭賈生汝鴻書

一枝獨擅漢宮春嬌額分塗覆翠顰染就鶯兒纔
却月織成杏子半拖巾不隨上苑桃同雨豫倩東
籬菊作茵豈爲相如能賣賦故將擲地傲佳辰

紅梅

同顧俠君李合英

東風應不到巖前畫裏繁枝點綴偏穠比天桃疎
自映妝成酣酒瘦猶妍嘲伊居士情何澹遙憶佳
人艷對憐夜鶴曉猿齊悵望怪他烘染滿籬邊
莫將薄命怨天公只傍茅齋亞藥叢拚嫁東君瓊
玉碎遙臨璧月素娥空脂香細注殷纖爪金粉微
零印守宮也向霜天呈瘦骨竹窗鐙影當紗籠
垂枝婀娜立清宵袖染啼痕點點嬌霞舉笑伊顏
似玉丹還怪汝頰生潮雙棲翠羽迷朱閣半壓危
欄泣絳綃豈與寒鴉同比色月高露井照妖嬈

玉壘梅

同周漢荀俞犀月

檀心玉貌擅盈盈未許林逋聽喚卿霜月娟娟清
自寫曉風淡淡韻堪傾何妨絕世稀心賞別有知
音與目成若在昭陽應第一任他粉黛總無情

小天平山

同顧迂客留阮徒

壘石爲山積尺尋依然陰壑與陽岑撐持一簣凌
空意磅礴如拳不轉心妄謂朝天從世諦何須端
笏比華簪

天平山俗名萬笏朝天

堂前半畝鄴丘壑徑路風雲

只自深

憶楊梅

同黃憲尹家學山

霜橙柑橘猶充案忽憶楊梅五月天脫體溫柔憐

紫玉堆盤色相壓紅蓮纔令入口脂堪注試取沾
脣暈可憐若使東坡知此味荔枝三百定無緣

方池

同王孝傳

新柳參參繞野塘寂無七十二鴛鴦誰能知我魚
長在忽謾低頭月一方雲影參差杉嶂落蘋花檢
點釣磯香若教洗耳吾豈敢尺水何妨自望洋

放歌行爲雷阮徒賦

出門不得意入門多咨嗟出門入門無一可尋我
良友雷生家雷生談如陣雲泄多否少可似鳴鳩
自言身是劉阮徒飲酒不醉目皆烈以此放懷天

地間我周旋我誰能齧余笑謂雷生君言似放無
乃狹古今億萬年六合幾萬里我欲與之爭一極
不朽有三豈醉人曹劉平勃難空捏一杯不願身
後名此公跼躄生前強自說我欲語子放聽我歌
一回放身直欲齊臯夔沉湎古王戒吐哺何暇舉
酒杯放志直欲希冉閔晝寢遭聖斥若使日中啜
糟必叩脛放言直欲凌列莊有如神駿恣騰驤五
石之樽無所用寧肯挹彼注茲盛酒漿君才何一
讓古人豈屑區區伍步兵劉伶強辭二豪詘彼乃
二蟲何知說不伸吾今與子約放六合外聖人不

論亦無害窮神達化靡不知日月不照吾心會沒
世益久名益稱彼竹林孺子偏側真曹鄴雷生慨
謂余言壯揮去三杯決所放直與臯夔冉閔列莊
屈宋竝駕而共馳千秋百世非雷生其誰歸

暮抵虞山宿嚴武伯山房

偶趁蒲帆住郊扉在碧崖山人占劒氣相府剩秋
花文靖公鰕菜遙喧市藤蘿合梵家忽驚涼月上轉憶
故山斜

稚子喧環堵如君自得多一窗生事足千樹好音
和門啓烏羣去牀聯夜易過傳聞兵甲氣消息隔

漁蓑

宿蔣文孫齋閣有懷其尊人莘田

忽灑故人淚三年存歿餘與莘田相別嶺南適三年長懷湖上約

莘田曾與予言中州事竣後即歸買山兩洞庭間不滅嶺南書歲甲子莘田在嶺南貽書草堂并分俸惠後

死文章在蒼生圖畫虛莘田有繪圖十二疏低空雲斷處宿草

近何如

再贈文孫

卓立吾徒事元龍意自豪傳家擊直筆閱世破秋

毫慷慨攜花月殷憂護羽毛過庭臣鑒在莘田纂臣鑒錄期

許上蕭曹

文孫惠酒米詩以謝之

秋暑餘仍在庭梧蔭尚叢傾壺無白傳無目無也大飽

計坡公頓有還山願休言吾道窮稻梁謀愜處畱

待語來鴻

早秋趙安臣招集同人湖舫泛山前竟日

選勝陳觴地山隈白舫開翠微爭客坐海瀆揭浮

杯戢翼休瞻屋伸眉托賦才煩襟銷盡處親到最

高臺是日登望海臺

山曲屏如繞湖連鏡似斜晚香驕得雨空影隔如

花偶見禮數吾徒短文章異代賒野人岑寂慣興到

索君家

立水鷗心遠低舷燕尾柔醉忘綺語懺懣和少年

愁天險思銘筆山有山靈許釣裘還因芳草歇搖落

此淹留

情重壺尊外偏教醉不歸薄涼凝薤簞返照入蓮

衣拂酒森秋氣酒極清烹芹得晚肥真令愜一飽不

憶故山薇

興盡山迴棹人闌席促尊交游雙眼倦閱歷寸心

捫笳吹巖城碧柳鳴市艇昏只愁分手後獨立不

堪論

同人集安臣簡齋

風雅名山擅敦槃坐擁尊翻飛瞻得地骯髒倚高

門安臣詩行峻韻揮凡瓦殊香領眾蓀何來空谷叟

傾蓋坐深論

虞山別諸同人

棹轉虞山影嵐光任滿裝主人申別盞倦客帶秋

香晚歲評交態游蹤質近鄉滿江搖落意怪爾又

相將

畫閣遲殘照疏簾得晚風候蟲愁自切碧漢淡能

同背郭辭衰柳還山值斷鴻何時風雪晚訪我別

已田詩集卷五
峰東

已畦詩集卷之六

此卷俱白田倡和

吳江 葉 燮 星期

喬石林侍讀來過草堂即事八首之七

空谷丸封久何人剝啄尋鷗猜從不識山許入知音
啓戶金魚氣投林玉爪心從前攜手訊底事罷
朝簪

漢主憐揚馬清時蔚鳳麟匡衡非薄祿賈讓竟櫻
鱗脫屣長楊館離筵灞水濱風流蘇學士幸不歎
長貧

別路隨明月歸帆滯斷鴻鯨波行自激鷓路退非

窮岱色開朝霽淮流護晚風歸來巢燕在去訪鹿
皮翁

語我園林好荷花一里開豈真營晚計不負歎奇
才濠上纓堪濯城隅逕絕媒借君魚鳥話佐我草
堂杯

雞黍兒童亂倉皇一瞬謀沽醪聊飲溼剪韭乏殘
秋熱肺消空谷狂談狎白鷗盡忘門外事斜漢轉

前洲

且理登山屐吳宮寫入囊可邀林屋月怕採館娃
香帶眼楓千點酸牙橘半黃還期乘興返重卧舊

繩牀

再促宵分坐呼僮炊晚供壯添山水腹重吐腐儒

宵詩好過堪和

蘇過也○時同
長公無功來

神清玠喜逢

令壻丘
子

莫嫌

巖穴陋百尺有高松

題喬石林縱櫂園八首之六

聞說城隅地天然闢蒹葭入門開妙想一逕得無
涯色界蓮花繞浮漚蜃氣遮忽驚青瑣客移向洞
天家

綠柳千行曲平橋百折通鷗馴朱戶月鶴刷碧城

風

園貼城
東北隅

樹老交爭影簾疎盡攬空慚非查上客聞

已巳言集 卷六
鼓到幽宮

歷置陳觴地隨流傍水磯波心堪駐馬

池中有

雲脚

忽開扉啓幔鴻成市焚香篆入微輞川無著足俗物總須揮

書卷移牀便茶煙出竹深那能無熱客似欲賞灰心是草拈堪藥無音不韻琴濠梁何限趣一一上衣襟

爛熳花相代嚶鳴鳥遞歌撫時畱逝水息影補牽蘿舴艋行堪住笙簧寂轉多夜游還不足明日更揮戈

觸目成高趣翻然憶故山拂衣原異轍違俗有同顏雪鬢終投老烏頭合賜環茫茫池上月今夕快追攀

已巳夏五訪故人於白田諸同好存慰有加

賦長句奉貽拈十三覃韻四首

十年斷梗泊空潭漫學坡翁又過三客到似驚初返鶴灰寒難簇不眠蠶朋交綠酒情憐舊選勝華堂老自慚重見澄湖千萬頃荒城還上曉光藍一肩襍被自徐南漸近淮山隱隱嵐逝水無心隨處好浮雲得氣滿空含還依禿管謀黃犢爲覓長

已明言集 卷六
鏡賣舊鐔回首昔時同學伴行藏鏡裏幻空曇
滄桑一笑怕重探物色依依憶鄭南世事幾人能
自料窮愁獨我久相諳雲堂多病關常閉冰壑長
征客不堪刮眼朱顏誇綠鬢老夫懷抱向誰談

斬陳冰壑兩詩人一病
一作客每不與文謙

江月淮風一向貪衰顏重對自嘲慙勞生燕壘銜
空萬往事猿啼淚罷三青史自分人物表紅塵只
隔水雲菴還嗤阮藉窮塗哭不礙芒屨一往探

喬石林先生和十三覃韻十首見貽韻無重
押予報以十章仍限前韻媿不能一一步

押也

新詩雲起湧圖南響徹層霄清徹潭直埽青天歸
一碧遂令大地總無藍小儒魚目光難混長夜蟲
吟韻自慚聽罷噌吰金奏作扣盆擊缶盡齶齶
谷飲巖棲我默慚金門賦客也同耽燭龍銜照螢
隨爝駮駟追風駑後驂厝火一朝羣赴熱飲冰三
復我知甘天涯何處無芳佩好摘江蘿貯滿籃
禮失而求待問郊縱橫史筆破重鐫萬言終納孤
臣賈濟海口議先生
身退而言卒行九戰生降悍將邯偶有所
指青汗消餘
存蝕蠹車輪摧處且停驂貂蟬八柱高明列咄咄

已明詩集 卷六
先生底事愁

聽述驅車越徼南風馳文命百蠻覃相如檄蜀風

堪挹博望尋河遠必探行到乾坤窮覆載先生談粵西山水奇

絕別有天地坐辭日月入訝咭游七星巖列炬數百深入不窮喟然陳迹銷沉

後尚欠名山興未酣

子厚雄文寶氣函得君身歷始能諳名山妙合才

人悟得句神教畫史參先生有粵游草形容山水非摩詰能畫者弔古不須

悲逐客側身望處歎奇男疎簾花影閒清晝飽聽

天空海闊談

少陵窮老泊風潭如許乾坤句裏函直把孤舟橫

萬古尚愁一字斷天南靈均雜佩芳洲滿賈誼懷

沙暮雨含聞到岳陽樓上望憮心澤七接湘三

知己難逢顧影論但拈風月便思探尋歡梓澤難

并四孤憤漁陽弄壘三無事可談休捫蝨是絲不

挂莫營蠶江山擺滿斜陽下折戟銷沉幾許鏃

是耶捷徑滿終南關閉丸泥百二函買地種香蓮

作埒隔垣鎖影柳橫嵐巖前葉落猶防鶻市上風

傳且避魁相約共探林屋去淺紅深碧擘黃柑

排塲隔日劇叢譚悟得衣冠優孟愁終古王侯斜

日在寸心兒女曉風諳饒他自獵爭能手且計為

歡付夢酣參得色銷聲滅句盡歸濟老築拳三侍讀

家優客至必命佐酒

桑榆晚照託瞿曇收拾寒灰滿一擔要識文殊門

不二還須顧愷頰添三醍醐自性參獅象藿食從

人議蠟蚶千古現身誰是主辦香坡老在瓊儋

附石林侍讀原作○葉已畦先生過白田贈五律十六首督和甚力又示余覃字韻詩因答八首

十年聚散各投簪無數湖山縱所探中散辭榮因有七士師被黜不須三慵疎詎發蟲魚興跋扈仍餘飲啖酣林壑得君才有伴好將風月一

節擔 幽人家住大江南日落橫山起夕嵐山與葉滿林君遂隱白雲夾路我曾

詣去年秋抄余過橫山一丘別有琴尊擬萬事無關風月談只把疎狂酬放廢半有蓑笠付苔龕

犯檐老樹遮三畝插架奇書足萬區舊有蒼頭供種黍新增少婦解析蠶客來旋治茶兼酒食罷還添鱸與鮒燭跋星移談正劇隔林山寺鼓

醕醕

我向山中曾蠟屐君來湖上肯停驂登盤縱詔魚鰕美放箸終輸筍蕨

甘直道試看誰李邵交情兼恐少何哉兩人共有林泉癖來往風流幸

不慙 家有町疇剛半頃團團流水碧於藍雨行柳弱當風卧萬朵荷香帶露

含花放未須勞七七泉多應不羨憨憨縱然未罷金門直也合歸來結

小菴 白鷗泛泛鷺氈氈門是柴荆與是籃白石清泉人共弃芒屨烏帽我偏

耽殺人終未疑曾母好色何妨誇魯男莫向塞翁論得失茲言却許對

君參 餘年筋力一鋤堪藝樹移花不厭貪榆柳杏桃迷曲逕蒲菰菱芡占空

潭籬邊野圃盈丹卉池外零町插碧簾更築小坡能十笏秋來準擬種

黃柑 久知妙解在優曇羞向人間說老聃剩有吟情千百首更拈險韻十三

覃驚心盤折如餐蔗入口崎嶇類食蚶懶慢自憐才思減那堪索和日

團成筆陣兵難罷白刃空拳不著錮沒羽縱難追李廣沉舟終欲破章
邯旌旗須變軍中壘巾幗毋羞閫外鐔鄒魯可能稱敵手狂言端仗故
人涵

石林復壘前韻八首貽我始一一壘其來韻

報之

戴笠長辭荆玉簪

杜詩荆玉簪頭冷

呂梁千仞險難探偶翻

雲笈籤抽七乍洗霜鐺足折三莖叟夢中仍是覺
靈均醒處却如酣牆東忽到西清客風月平分一
半擔

隻影霜鴻自北南手揮熱客隔重嵐風旛總是由
心動冷暖全憑飲水誥擒縱得時離迹象升沉悟

處絕言談吾生何物猶虧欠喫飯穿衣老一龕

雄視騷壇七札錮風花露月一囊函自然玉蕊開

三樹不斷紅絲曳八蠶謾嚼英華唐作鱠別饒風

味晉如鮒知君丙夜吟殘後簾外檀槽已漸齧

端居何以釋憂悒花逕鋤成鶴舞驂詞客無靈呵

屈宋書生妄想息陳甘僚魚縱壑將無返鷓鴣高

鳴總莫戡白石名花并好句一生對此便懷慚

碧天青嶂遍杉楠大地圍成總一藍只有文心舒

五色何來雲氣滿中含要知曳尾非專達試想浮

鷗也是憨何似樹叢谿轉處矮檐新架兩團菴

坡詩

為作兩團菴

昨宵驟雨前谿漲曉起青黃摘滿籃野老無知歌

力苦高人有福任情耽將鄰石戶攜雞犬乞附華

胥作子男末著殘基尤劫急輸贏一著剎那參來詩

有殘基落落姑休著此局輸贏不待參之句

前因歷歷境何堪只覓心安便著貪眾壑生風分

一呷坳堂覆水作深潭秋來想捋千絲玉尊也客久

思懸萬笏簪吾蘇天平山名萬笏朝天近遇佳辰恆敗興眼前吾

已厭黃柑

生平知己慟羊曇入耳良規佩老聃地若埋憂容

作長園名縱擢儘教覃林妻不厭祈生鶴何肉難

忘學種蚶浙人蚶皆下種明歲龍鍾周卦氣便教有眼那能

耽

附石林原作○已畦見荅十首會朱劭孺王方若劉禹美鄭千子陶文虎劉彝上舍姪雲漸長子崇烈各有和訓因更疊前韻八首簡已畦

縱然未老脫朝簪肯向空門仔細探記畦勸不過聖凡同九九何勞前後說三三行藏不與榮枯數生死惟須寤寐酣詞苑平章銜不細鼎鐘勳

業看人擔乘傳當年向日南朝飛霧雨暮飛嵐山連楚粵青難記水剪湘灘碧未

諳只我曾經雙屐屐遍對君好作一宵談是日談獨秀峰七幽巖曲實嶸崎甚峽路何須詫有龕

阿咸垂老耽幽興逐日詩成滿一亩雲液茶香能當酒木棉裘暖不須

蠶衰年步履頻扶杖澤國盤餐且食鮒縱為目昏疎卷帙逢君吟諷日

齟齬華竇營成添五柳筍與坐穩減雙驂無求但覺人情好有故方知野趣

甘鶴怨山移吾可免蟻喧鼉怒爾休戡相看白髮尋常事縱對名花也

谿亭劇飲頻浮白是日集研席訓詩想出監時王方若一卷奇文羣響寂席間
再東閣再東閣研席訓詩想出監和韻六首一卷奇文羣響寂席間
厚長律成誦兩家夏木茂陰含東閣相與再才堪肆應輸君博已哇一應贈答
口不三緘笑我愁幾曲清流橫屋角綠楊深處築蒲菴
禾譜蠶經堆滿几澧蘭相芷摘盈籃歐蘇堪作樵漁侶牛李何能木石
耽盜不過門因五女詩還能誦况多男殘碁落落姑休著此局輸贏不
待參

廿年薄宦冷誰堪除却觀書更不貪上殿也曾爭似虎去官那遂墜如
潭且搖柔櫓探丹壑更著青鞵訪綠簑余歸田後曾訪每到黃鸝能轉日
定攜醪醕載雙柑吳越諸名勝
隱淪誰薦釋兼曇有欲薦已哇赴博學歲月何能彭與聃荏苒百年難把
翫蒼茫萬卷欠研覃胃當寒日惟需非肉到衰時也似蚶雲堂齒落但恐
恩恩便爾爾無勞逐逐更耽耽

疊韻投喬雲漸四首

君如叔夜嬾何堪欲起猶眠故故三危坐日成銷

硯北雲漸有目疾好詩心動望江南雲漸尚有南游訪吳孟舉之興虛無錦瑟

前塵在寂寞煙霞夙疾諳老去窮愁經百鍊近聞

茶苦已如甘

淡日魚羹齒頰甘蘆中滋味儘深探糟丘壓薛家

徒四雲漸家釀名喬家白馳名江淮南北筆塚堆牆逕換三雲漸齋舍已易未到傷

心同向秀能無聽曲歎何戡游吳及早須乘興萬

樹霜花勝嶺南

領袖風流舊汝南酒場茶社正須愁計從花鳥拋

殘拙人到交游倦後諳觀象衰年疑九九逃禪捷

逕印三三莫將偏側憂生事萬壑雲泉恣汝探

種柳成圍歎漢南樹猶如此孰能堪周旋只我寧

容兩不朽憑他莫管三有酒自澆騎過隙何心去

問俗交誦縱饒大地無風雪只向袁安卧裏貪

余癸亥冬過白田臨行朱劭孺孝廉賦二律

送別忽忽六載尚未賦荅茲復至白田漫

賦奉投兼報癸亥之作仍限覃韻四首

丹楓霜月似春三正爾懷君到水南山市嵐光迷

桂楫松窗鐙影上華簪去歲十月劭孺同劉禹美顛山中草堂人從擊竹聲

中別事記呼猿洞口談辛苦屋梁清夢杳幾回寂

寂百花潭

暫辭叢桂訪淮南雲樹迷離門巷諳雪鬢輸人耦

二五蛾眉畫月看初三早將天上蓮雙炬來映山

頭火一龕每到君家回策處悼令叔傷心宿草淚長

函

知從竈裏細搜探高倚摩天把宋罈欲問秦時長

在月也須魯國可稱男蕭蕭秋到人如玉冉冉蘭

幽宅是含永日疎簾聞落子遲回一著策東南劭孺

善

滿目荆榛壓杞楠桐孤松老影甦甦觀場競說持

矛兩自酌顏然過爵三垂老交情來日少當前景

色片時貪他年倘憶平生舊記取門前水似藍

墨韻荅王子方若四首

廿載才名握利鐔洪鐘含響笑嬰甌王恭新月春
方濯謝朓餘霞綺自覃玉樹枝枝俱入賦水晶寸
寸莫教函臨風三復瑤華句築駿臺高早辦驂
莫歎無媒鬢影鬢要須懷棟必梗楠裁成雪調明
如月蒸起文心化作嵐雲夢早知吞八九波瀾久
已老東南呬唔不是千秋業自有雕龍稷下談
三伏何人不息驂疎簾清晝飲方湛蕭齋北郭書
成解舊侶南皮興幾酣曲沼玉鉤秋欲墮短檠斑
管夜猶含書生一劔恆思荅內蕊含香待爾簪
輔嗣名言高坐談靡靡可聽引人耽春融澤國天

歸畫月滿澄湖境可參坐隱聊當千日酒風流原
許一分慙秋郊玉露清如許西爽尤宜傍曉探

再疊侍讀前韻八首荅無功孝廉

不因頭白不勝簪聞有游仙枕未探寥廓垂天蟲
笑二淒涼舊樹鵲依三余凡三至白田沅湘故物蘅芳在河
朔新鋒劔氣酣家有文安堪北面髯蘇并作一肩
擔

一篙秋水錦帆南有客衝風破碧嵐仲蔚徑荒疑
室遠雲卿菜熟問人諳莫參龐老妻兒句祇聽崔
家父子談無功侍其尊先生訪我草堂今日把君湖上袂衡山如見

隔林龕

句裏螭弧貫兕鍾來詩有羽書 酣戰之句壓令元白倒詩函連

枝玉映高樓萼令弟致能介 夫俱高才五色絲抽獨繭蠶雪到

青城知近鷺風來黃雀可無鮒六月黃雀風來便無蛤余嘗謂海內珍味當以吾鄉

黃雀居第一橫琴萬朶蓮花裏深柳鶯雛轉尚醵五言本家學六言才

雙無

深談名理擅劉惔妙解騰驤左右驂染翰墨深三

歲字無功善書寄愁曲寫八聲甘鶴羣皜皜方同和蠟

陣紛紛似避戡七業俱興誰不羨一經薪盡我堪

慚

近郊精舍繞楓楠多病維摩卧蔚藍余適病肺甚日日曹

劉牆上競諸相知日以詩見投時時辟壘膈中含消愁無酒因

忘渴煮字充饑著底愁贏得好詩天末憶異時涼

月落茅菴

蓮衣將褪粉氍毹辛苦蓮房拾滿籃忽愴紅顏朝

露盡可虛白日寸陰耽坐消蠹卷雄稱伯饑走荒

山老媿男千古文章誰得氣秋風遼海請君參

零雨飄風我久堪春華無分不曾貪茭蘆滿日歸

空相鴻鴈依人認故潭長坂涼初蘭展葉小山露

泣桂將簋秋來物候關心否怕問窗前三寸柑

影現空華悟鉢曇閒中觀妙我師聃杜陵愁又樽
前到屈子游從室裏覃得計枋榆無似鸞防身甲
冑竊嗤蚶吟成便遣詩魔去漢魏三唐莫漫耽

疊韻答劉禹美都諫四首

蛟龍未雨在深潭年少終軍我舊諳自有傳經輝
夜閣果然抗疏壓朝簪宮莎藉處朝元北內蕊看
殘井榦南還憶故人滄海上重將墜履入叢譚
斷鴻縹緲落江南偶趁蘆花借水涵天末乍臨天
上客月高忽到月中驂去冬禹美遠過山中山空夜響冰霜氣
逕杳寒封木葉龕如夢對君深話舊幢幢無燄一

鐙函

落霞孤鶩儘容探閒裏尋忙杖底諳念冷百端無
集處心同千古許誰參衰顏自歷滄桑慣客路逢
場語笑憨封貯白雲畱嶺上君還朝作贈行函

如蘭兩世盍朋簪

令先尊贈庶常公與余情好最深

絮酒常懷宿草慚

白日影過今古判青編句在死生諳

癸亥予過白田與贈公唱和詩在微

雅初編

寸心交憶綈袍舊

來詩有念我懸鵲還贈縞○丁巳禹美公車余無以為贈解身上一袍贈之

隻字霖回

聖主甘

禹美疏論揚州田畝被澤者數百萬家

我去菰蘆忘歲月一星長望

五雲南

疊韻荅鄭子千子二首

時命文章詎兩諧任伊流轉自尋甘一椽負郭心
常苦遠道依人夢不酣千子時適楚幕鬢到中年休顧影筆
乘風習只勤含莫矜萬卷擁書意不把人間南面
貪

昔年劉子實奇男指禹美常歎君才伯仲堪刮目搏

風輝羽翰傷心隨水混青藍一囊自貯秋山好千子

工畫五色誰眯戰壘酣勿以憂貧添失計故將畱滯

歎周南

疊韻荅陶子文虎二首

生涯合作羽陵蟬斟酌風流唐晉參冀北登臺常

自獨文虎頻歲北行湘東授管定兼三家傳猶喜書千卷客

况能贏粟幾甌曾到曲江拚醉否傷心淚染布袍

藍

橫山鎮日坐晴嵐文虎曾榻予草堂半年歷落詩情妙舞驂別

後涼風秋幾九重來佳句影添三長天鴻爪何方

住獨夜龍泉半壁畱還記殷勤臨別語也曾箴我

戒癡憨

疊韻荅劉子彝上四首

烏衣家世雀銜南才似雲行膚寸覃天祿經筵傳

碧簡彭城詩筆滿華簪夢回午夜蓮舒障秋滿明

河桂作菴正爾盛年懷不細急將寸管擘叢蠶

畫閣臨流空影涵高吟詩卷當名談鶴歸千載人

還在彝上適讀柳州詩覺柳州先生風致宛然在口事值今朝意可參直北紅

塵常袞袞再東清露自湛湛彝上園中有再東閣會心魚鳥原

堪狎濮上何人得早諳

好詩脫穎得真參到處淋漓唱壘三黃土我犁蓬

標後青冥君上鳳城南疎簾沼寫雲初起半榻桐

深露曉含憔悴忘歸搖落客涼風乞我一窗酣

舊是驚飛帶月南重來倦羽撫心慚生逢虞夏違

時獨天許雲泉錫命三綠鬢軒霞雙袖舉玉山朗

月萬川涵回思十四年前夢正是扶牀出匣鐔

與千子文虎彝上諸子論詩竟日仍疊韻二

首

郊原避暑憩精藍詩友論心得失諳界擴巖疆雄

百二眼高俯視大千三曹邾賦陋誰江右江西派也俎

豆桃先首劔南怪底冬烘誇曉事也將兔冊腐毫

含

遺山詩論抉源探八代三唐總一函勁比松枝蒼

自韻味同蔗境老方甘莫將牙慧隨人後原許毫

鋒縱我貪一自主風零蔓草幾人能拂倚天鐔

壘韻答朱恭亭二首

囊隱班絲香蕪龕修梧深柳隔湛湛

恭亭讀書環谿與寓齋祇一水隔

郊居賦就雌蜺字秋水詮成白馬談庭有傳書周

柱下

尊公澹子先生

庫饒奇癖杜征南五花貽我芙蓉句初

日亭亭露尚含

芍藥新詞早歲諳露華堪挹玉堪簪目成異彩偏

能擷手擘長風不厭貪雨雪繁中光獨照天人帷

下策三探蕭蕭剩有南山叟驀遇忘年黯自慚

壘韻投孫以一二首

六十窮愁只自甘一生好似滯周南不逢稷契明

良五羞問哀光姊妹三寒雨衝檐繁自暗月華當

枕夢方酣饒他陵谷漫天換不到先生斗大龕

淮水江風爾稔諳相依惟有鬢髮心馳天壤腸

迴九淚盡王門足別三秋到幾遲衰柳渡燕歸重

訂藕花菴甌塵高處閒吟遣莫把憂懷却似惓

壘韻答王亦退二首

客裏相親傍舍南短牆亞見一鐙龕風塵自愴聲

名老詩酒家傳禮數諳屈指關河編舊夢

亦退頻有紀行之作

填膺塊壘倚高談不須事業頻看鏡措大宮商在

一壘

過從良辰不厭三晚花零草亦情堪窗虛夢轉生
生白簾捲秋宜遠遠藍落木人遙愁渚北大江聲
動過圖南憑君莫被華胥罔煙閣雲巖一樣愁

偶作疊韻

四大交征并作痰衰年肺病苦難堪窮通投老無
容計去住關心只自諳藥裏總輸籌口八詩筒且
置問餐三西風忽變朝來色遙想疎簾午夢甘

酒間雲漸談及香奩遺事口占

林下偏成處士風不須廡下羨梁鴻重重繡幕無

人見多少蕭娘腸斷中

輕寒嫩暖晚風斜風月簾前總不賒怪道珮環聲
去後從今雙眼謝梨花

送鄭子千子之楚

菊香鐙影竹風前送子明朝上別船親到阿瞞橫
槩處東風猶自護花鈿

一帶青山建業連芙蓉零落有誰憐漢南剩有婆
娑柳折寄相思估客船

十伶曲

為石林家優作

楚相衣冠切暮雲當場摹寫宛生存章華臺上如

已田言集 卷六
二弄草堂
日遇不違大師入郢門

杜父膚清骨相勻也知家近不東鄰一枝栽向靈
和恩思曼當年最惱人

流雪迴風步步生凌波一朵玉含情朝元閣裏披
裘出鐵石應銷宋廣平

常棲緱嶺聽吹笙舞袖蹁躑畫不成忽訝飛瓊花
下見方知子晉是前生

曾向天街捧紫清明霞隊裏玉妃行囑伊勤看雕
籠鎖莫使啼殘掌上鶯

賜著輕寒簾外袍露華霑處月痕高千年影閉長

生夜誰向氍毹咽翠槽

九里山前弔霸王嗚喑重起擅當場虞姬別後知
音絕剩有閒花報主香

百萬雄師未奏功帳前一卒策平戎看他帶礪雲
臺日一笑封侯是夢中

世傳曼倩是頑仙合向歡場去結緣知是投壺贏
一笑舍人輸却滑稽先

小心長信玉階身金卮河頭不負人忽聽流鈴吹
于萬年枝上祝長春



